

叙



始吾蒞任謁文廟櫺星門外為道  
衢愀然不寧再詣城隍行禮廟貌  
頽肅獨傷鐘鼓二樓無存迨祭旅  
養濟院瓦礫丘墟猶旅廢疾輩結  
茅不蔽風雨輒為心恫詢諸父老

序

咸云文廟路展拓無術自古而然  
即二者之廢不復興亦多歷年所  
矣私計工繁費重每形諸寤歎曰  
是可知固民之凋敝而經營之無  
資也亦可知固令之煩難而率作  
之不暇也雖然此不過絀於財力

耳更有事關極重勢處莫何年代  
遷流文獻蔑考則在此四十餘年  
未修之志書愧余日逐鞅掌興除  
未能報最無期不逮前人遠甚顧  
此修建數事猶不克弔勉勝任負  
疚奚釋適今留滯八載旁午之餘

序

二

次第舉行諸土木工程俱幸告竣  
特志書一事茫無畔岸屢進邑紳  
士俾各採修乃寥寥可稽者甲乙  
兩科耳至邑宰姓名里居亦多參  
差餘更闕如睹念此數十載中川  
谷變遷衙署修建官師易而人物

新以及賦稅之懸殊藝文之散佚  
失今不修後更何底爰取年來所  
偶見稗官旁涉鄰志時或馳驅荒  
村適然觸目邂逅野老偶吐諺言  
舊碑碣常畱斷簡文章老昏徒能  
道前官日月留心載筆積久成編

序

三

其在前闕所遺者并為增補業將  
付梓忽得前明秦侯故本人物較  
詳藝文亦多不禁狂喜因重慨人  
文表彰實搯有數惜前志之太簡  
而中遭刪削者之尤覺無謂也用  
是重酌訂增經兩閱月視前簡帙

將倍嗟乎官如傳舍人多因循卑者置為不切之務高者薄為粉飾之觀則後來修舉又屬何日詎知國有史邑有志家有譜並非具文也其封域賦役本諸禹貢矣官師選舉原於周禮周官矣人物藝文

序

四

肇自國語國策矣若廼建置諸蹟散見春秋左氏甚夥何一非聖經賢傳所鄭重歟後之君子勿以余為迂言各圖續於末艾并補前之有遺是尤余所憊也夫

書

皇清康熙五十三年甲午中秋  
勅授文林郎鄉進士知固安縣事  
候官鄭善述題



序

余庚午歲典試閩中得蕉溪詢之人  
人乃一學行士也余後宦遊四方或  
家居不可時見去歲始自口北量移  
而蕉溪已令固安有年爲余屬邑吏  
固安劇甚蕉溪爲令至勞苦然而百  
姓安之上官稱其有守而才他邑疑

序一

獄輒委之斷決余見之喜且欲徐觀  
其爲政也乃蕉溪已無意於仕求罷  
甚力已而竟以事去行且歸矣出固  
安縣志請於余曰此某於公務孔棘  
中乘間取隙而綴輯之者也願得師  
一言以爲重余惟今之爲吏者大率  
自急其私求便其身圖有能留意於

地方百姓之事者寡矣業已官其地  
不可他委慮事不治累及已不得已  
始經理區畫之而實非其心之迫切  
而樂爲之也至若邑志事非所急當  
事不以之督責百姓不以之怨咨於  
其身又無毫髮利害之及往往渺然  
置之或者地僻而政簡優閒無事無  
序二

可以銷其日力寄其耳目心思始姑  
從事於此以自遣也否則或委其邑  
之大夫士羣處而爲之而宰特觀成  
焉者也今固安旗人與民錯處而互  
角渾河所經樅菑之所出近者

聖主每歲春巡霸州治道造梁邑小而  
務繁任大而責重令方犇命之不暇

其勞苦爲余所親見豈復更有間隙  
爲此不急之務蕉溪乃竟黽勉而獨  
成之詳而覈實而有文其亦勤矣余  
度其心殆以一邑之事似緩而實切  
似輕而實重者無逾於此是以不恤  
其身之勞汲汲以爲之也嗚呼彼於  
事之顯然切且重者抑又可知也已

序三

仕宦進止本自無常要在當官所行  
無愧於地方百姓且可以有傳於其  
後而後平日之積學修行庶幾不扣  
掩而相成今蕉溪之所爲若此余竊  
喜夫曩者相知之不誤也爰不辭而  
爲之序

賜進士出身

特簡分巡直隸通省刑名驛傳事務按察使司副使前提督山東全省學政按察司僉事

欽命福建庚午鄉試主考行人司行人年通家友生崑山徐炯拜題



固安縣志目錄

舊序

姓氏

例言

圖繪

卷首

巡幸志

記事 詩 賦 贊

卷之一

封域志

星野 疆域 沿革 縣名 形勝 川瀆

固安縣志

目錄

一

風俗 祥異

卷之二

建置志

城池 公署 正祀 學校 坊表 街巷

鄉里 集場 堡寨 堤堰 橋梁 古蹟

墳墓 寺觀

卷之三

賦役志

戶口 田賦 徭役 驛遞 器仗 物產

卷之四

官師志

知縣 縣丞 主簿 典史 教諭 訓導

巡檢 武職 封建

卷之五 選舉志

進士 舉人 貢生 監生 椽吏 武甲

武舉

卷之六 人物志

文治 武功 戚畹 封贈 恩蔭 隱逸

仁厚 孝友 忠節 貞烈 仙釋

卷之七 藝文志舊集

賦 疏 箴 詩 記 文

固安縣志 目錄

二

卷之八 藝文志新集

奏疏 碑文 詳呈 序 雜記 詩 對聯

卷末 拾遺

吾縣歷世以來不知何故因循至今曾未有爲之志者嘉靖甲子夏敬亭何侯來知縣專乃諭于衆曰昔樊穆仲之稱魯孝公曰賦事行刑必聞于遺訓而咨于故實不干所問不犯所咨宣王是以命諸筵宮昔之君子不敢自用而動必師古如此今當稽考者甚多而無縣志可據何以稱文獻之邦邪此有司責也遂慨然欲創爲之諏日主簿張弘業典史葛漢教諭俞天衢訓導張舜心徐炫請于

固安縣志

舊序

一

古史氏方城楊公公已允諾矣未幾以病目辭復請于余余曰余何人也而敢當此任哉昔江淹有曰修史之難無出于志陳壽號善叙述李延壽稱究悉舊事而所著二史獨于志畧焉誠以憲章所繫不可得而易也余何人也而敢當此任哉况一縣之事散見于數千百載之間而雜述于野史小說誠非一人聰明所能悉也且余素乏三長又老病侵尋豈能搜羅無遺而成全志哉敢辭何侯請益懇乃止集輯舊所聞見再閱月漫爾成帙至于

補其闕畧文其樸陋不能不望于後之博雅君子  
云何侯名永慶字善夫嘉靖己未進士蒞任未久  
百廢俱興志其一事也是役兒輩大生性生有生  
頗有考索之勞其圖書作字性生尤勤因并及之  
嘉靖乙丑六月望日

舊序二

秦士奇

予嘗述稽往載若禹貢周禮春秋其大者也故其  
人物山川靈恠之屬幽顯必備後之志者于焉取  
法否則無以詔後世我英宗皇帝命儒臣作一統

固安縣志

舊序

二

志此時郡縣之志雖云大備然考証非着碩古蹟  
往行多所缺遺始自郡縣不足徵遂無以徵天下  
耳若然則一縣之志實天下之志也方城舊有縣  
志爲邑故老都憲蘇公與何侯所修事核詞文諷  
勸攸關說者猶議其未備然未敢輕爲損益也歲  
己巳冬城陷一時人物旣燼而志簡亦付湮滅奇  
以庚午春王正月來調茲土弔亡撫遺間偶有拈  
筆多傷逝悲殘矧邊疆未靖日與人士爲調繆計  
何暇問及幸尚有典刑老成文獻足徵及今不舉

縣志長缺誰職其咎爰進諸老商確俱各唯唯分  
編考核其相搦管以補其未備而闡其未傳其爲  
象緯方輿則皇覽山海水經之蹟也其爲職官則  
列卿年表循吏傳之遺也其爲耆舊先賢則高士  
遺也曰宮室食貨雜志則五行傳兵亂志之畧也  
亦禹貢周禮春秋之所出非直邑人所考見亦將  
以傳信其徵天下而不止爲一邑之志也已崇禎  
庚午中秋吉日

固安縣志

舊序

三

舊序三

黃奇遇

庚午冬謁選得方城令時變亂始闕期至則城郭  
人民圯且竄者強半丕視金臺易水諸古蹟輒不  
勝感慨唏噓無何而前令秦公庸出縣誌草示余  
且祝余鐫余固長邑義不敢辭乃簡付劄劄氏值  
床頭羞澁越壬申夏告竣梓人并索予序予喟然  
太息曰方城古稱文獻地自己巳巳之變衣冠塗炭  
冊籍煨燼往敷求于先哲人用保乂民余事也顧  
余之蒞是邑者閱歲矣災者未復困者未蘇定集

勞來者安在耶抑渤海朝歌可得聞不可得見耶  
修文不如修實余愧矣聊作數字却之誌成蓋崇  
禎五年仲夏十有八日丙辰也

舊序四

楊文榘

固安縣志蘇老先生纂修于嘉靖乙丑垂今已六  
十年餘邑中掌故散佚于六十年之後者何限矧  
崇禎二年季冬城遭殘破國之典刑家之文獻盡  
付烈焰老成凋謝諮詢誰詰考古證今者恒難焉  
邑侯秦公庸氏以東魯人豪爲劇邑神宰英聲茂

固安縣志

舊序

四

實蜚騰雪煜者久矣聖天子憫殘邑罹禍之慘須  
得一整頓巨手易危爲安於是侯自鹿泉移任固  
安蓋特簡也侯聞命邁征始至卽銳意綢繆苟可  
加惠子遺靡不殫竭精力飭久窳之軍容軫阽危  
之民瘼非但憂憂補牢且復沾沾收籍謂邑乘不  
備則考鏡何憑慨然義欲增修爰取舊志目錄分  
授鄉紳孝廉俾各述所見聞以備採擇而研以衰  
劣亦謬承人物志十三款受命以來逡巡筆不敢  
下總之皆因仍舊志補綴者才一二耳蓋前輩采

擬纂輯誠不易及安可輕爲削減來蠡測之譏亦  
安可妄有增加貽蛇足之笑謹依目錄彷彿剿習  
上呈至夫減否去留則有我侯淵見之審直筆之  
任祈邑人也恂恂不能言守此律令而已敢曰吾  
舌之尚存

舊序五

陳祝升

按周官外史掌四方之志後世因之有邑志志者  
史之遺也邑以內上應星躔下辨疆域若城池橋  
宇風俗物產錢穀賦役名賢勛德匪志弗傳故曰

固安縣志

舊序

五

志者史之遺也固邑志創自邑紳蘇先生嗣有諸  
公修補自我 清定鼎以來舊籍殘缺余初蒞茲  
土卽欲以重修爲己任然未易言也近奉憲行修  
新志達翰苑彙爲

大清一統志洵盛典矣余邀邑紳衿會集公所日  
夜拮据訂修不以文掩實不以簡昧詳訪于故家  
之聞求諸長老之說爰舊增新經數斟酌而後定  
他日觀風問俗之使一展卷間悉知方城大略俾  
司函史者有春秋筆將取節斯志焉康熙壬子鵬

舊序六

沈子龍  
李 樸

一代之興必有一代之志與國史相表裏右文者  
據以修詞博古者循以考畧守土者依以鏡治志  
亦何可廢也吾邑蘇先生創舉志綱繼起而訂補  
者則侯石臣諸公也今 上龍飛之十有一年允  
閣臣奏纂修一統志遍採方域時我邑侯陳公躬  
逢其盛屬予等操觚修固邑新志茲役也才固不  
敏義實難辭侯蒞政以來清廉仁愛百里蒙麻予

固安縣志

舊序

六

等隸春煦之宇敢憚拮据而不共襄厥事雖然志  
者一邑鉅典也斷簡訛文安得憑臆補正因革損  
益未敢任心主裁侯博古下問躬親考核虛一家  
書舉邑實邀惠焉時迫于告竣仰副 朝廷創制  
維新之意午夜挑燈倉卒成帙猶恐諮訪未周是  
宜據實以告來者康熙壬子季冬